

3

تورک پوری

Yd: 3

Page: 3 (51)

17/Esruinovel 1329

اون بکس کونده بر جیقار

تورکلرک فائده منه چالیشیر

آثار قلمی سی :

۱. سلیمان نامه: قانونی سلطان سلیمان وقایعی حاکی فارسی عبارت تاریخی بر اثر در . بر نسخه سی (مغنیا) ده (مرادیه) کتبخانه سنده واردر .
۲. سبتانه ضیال نظیره سی: ایران شاعر لرندن (فتاحی نیشابوری) نک منظومه سنه نظیره، ادبی بر اثر در .
۳. مسامات نامه: کعبه معظمه ایله حرم شریفک مساحتنه دائر اولوب بر نسخه سی (آیاصوفیه) جامع شریفنده کی سلطان محمود اول کتبخانه سنده واردر .
۴. کعبه نامه: کعبه شریفه مدایحنه دائر وشاعرانه بر منظومه در . بر نسخه سی (مغنیا) ده (جاشنیکیر) کتبخانه سنده واردر .
۵. یوسف دزلیخا: مولانا (جامی) نک یوسف وزلیخا وقایعنه دائر یازدینی اثر منظومه نظیره در .

بروسه لی محمد شاه



اسکی اثر لریمز

رسالة فی فضائل الاتراك

(باشی ۳ نجی بیلیک ۲ نجی صایسنده)

خارجینک حربک باشلانغچنده، خراسانینک حربک صوگنده برقصوزلری واردر . خارجی صفیر قارشو قارشویه کلدیکی زمان ابتداء بر جولان گوستیرسه ده بر دفعه ده یوز دوندیره جک اولورسه هزیمتی دیمکدر . عسکری مخاطریه القا دشمنه امید ویردکدنصکره تکرار هجوم ایتدکاری اولورسه ده ایش ایشدن کچمش بولتور . خلاصه خارجی بر دفعه دوندیمی دونر شایان ذکر تکراری یوقدر .

تورک ایسه ابتداء خراسانلی کی جولان گوسترمنسه ده دونه جک اولورسه نود واولوم صاچار . چونکه ایلو حرکتده کی کی گری دونرکن دخی اوقیله وورور وکندندن امین اولتماز .

سواریلری ایکی و اوچ یای و آکا کوره کیریش طاشیرلر . تورکک حربه کیدرکن کرک کندی و کرک حیوانی و سلاحی ایچون لازم اوله جق هرشی یاننده در . سرعت ایله اوزون زمان بلا انقطاع آت اوزرنده کیجه و کوندوز بلده لردن بلده لره وارمق خصوصنده تورککرایله خارجیلر بردر . شو قدر وارکه خارجینک حیوانی تورکک آتی قدر متحمل دکلدر . خارجی حیوانی یالکز سائر سواریلر قدر تداوی ایده بیلیر . تورکک ایسه بو خصوصده بیطاردن دها حاذق در . و ایستدیک کی تربیه ایتک ایچون حیوانی کندی ایله ظو غورتمش و طایلغندن بری کندی بو یوتمشدر . حیوانی داما کن دیسنه تابعدر . آرقه سندن گلیر و کن دیسی صیچارسه حیوانی ده صیچرار؛ مثلاً آت قسبی (اجنم) دیشی دوه (حلی) وارکک دوه (جاه) و قاطر (عدس) و مرکب (سأسا) کی اصواتک زجر اولدیغنی آکلادقلری، دنی لقبی وصبی اسمنی بیلدیک کی تورکک اگر حیوانته برآد و یرمش ایسه حیوان او آدی بیلیر .

تورکک بتون مدت عمرینی حساب ایتسه ک یرده او طور دینی کونلری نادر بولورسک !

تورکک قیصر اقلرینک ارگنه یینه رک غنا و مسافرت و یا صید و شکار و یا سائر بر سبیدن طولانی یوله چیقار؛ قیصر اقلری و طایلری ده آرقه سندن کیدرلر . انسان آولامغه مقتدر اوله مزسه حیوانات و حشیه بی اولار؛ بونی ده بولامزسه حیواناتندن برینک قاتی نه مر و صوده بولامزسه قیصر اغنک برینی صاغوب سودینی ایچر .

حیوانلردن برینی دینلندیرمک ایسترسه یرده باصمه دن دیگرینه گچر . دنیاده یالکز تورکک بدن سادده آت ایله غدالنه بیلیر و بوزولماز .

حیوانی دخی قامش کولکری و آغاج قابوقلری و اوت ایله یشار . تورکک حیوانی نه کونشدن کولکیه آلمغه و نه صوئوقدن قویتویه آلمغه لزوم کورمز . یورغه و لینغ (لک) یوربیان حیوان اوزرنده کی تحمله کلنجه سینور وقلعه محافظلری و خوارجک قوتلری بر آدمده طوبالانسه بر تورکک برینی طوتمازئر .

تورکک اوزون یورویشلرئنده حیواناتئندن آنجق اڤ صوی اولانلری کندیسيله قالیر . دیکرلری یولک اوزونلغئدن ئولورلر . مع هذا تورکک آلتئده ئولئرک چکدیکی مشقئرله نه خارجینک حیوانی ونه بخارا آنلری اصلا تحمل ایدئمزلر . تورک وخارجی یاریش ایدءجک اولوزلر ایسه خارجی کندینی طویلانجهیه قدر تورک منزلی آلوب گچر گیدر . تورک هم راعی وهم سائس هم حیوان تربیه جیسی هم جانباز (حیوان آلوب صائجی) هم بیطار هم سواریدر . بر تورک باشلی باشنه بر امتدر .

تورک دیکر عسکرلر ایله یوله چیقئدینی وقت آنلر اون میل مسافه قطع ایدئجهیه قدر آو آولانق ایچون صاغه وصوله آیریله رق طاغئرک تپه سنه ووادیلرک ایچرولرینه اینه رک و چقه رق یکرمی میللک یر یوریش اولور . ویرده یورین ، صاقلانان ، اوچان ، قونان حیوانلری صید ایدر .

تورک هیچ بر وقت عسکر ایله برابر کیمز و طوغری یولدن یوریمز . آقشامدن قالقوب یوله دوزولمک اوزادینی ومنزل اوزاقلاشدینی و ایرتسی کونک اورتاسی اولوب مشقت کسب شدت ایلدیکی و آرتق هیچ بر کیمسه ده آغز آچغه محال قالمدینی وبر طرفدن صوئوغک شدتئدن هر کسک طونمه راده لرینه کلوب اوکئرئنده کی یولک دورولمسنی دیله دکاری و بیلدکری حالده اوزاقدن گوزلرینه ایلشان هر قارالتینک واره جقلری محل اولدینی ظننه دوشدکری ونهایه الامر قوناغه قوندقلری زمان دلی چوجقلر کی هر ایکی آیاقلرینی آیروب اوطوردقلری وخسته کی اینله دکاری و راحت آلق ایچون کیمی کریندیکی ، آسندیکی و کیمی طایانوب یاتدینی صیره ده تورک آنارک ایکی مثلی یول یوریش و آولانق ایچون آنلردن زیاده کندیسینی یورمش اولدینی حالده بر یابان مرکبی و یاخود بر کیسک گوزینه ایلشه جک اولورسه هیچ یول یوریماش و هیچ یوریماش و بتون بونجه مزاحی چکن بشقه سی ایمش کی کچل قوت و شطارتله آوک آرقه سندن صیچرار .

اگر عسکر ایکی طاغ آره سی طار بر وادی ویا کوپری باشنده صیقشه جق اولورسه تورک آتی مهموزله رق عسکر آره سندن کچوب دیکر طرفدن بر

ییلدیز کی طوغو ویرر . صرپ بر کچیددن کچه جک اولورلر ایسه یوریمکی
براقوب طاغک طوروغوننه یوکسلیر و دیگر بر محلدن طاغ کچیسینک ، تکه سنک
اینه میه جکی بر یردن آشغییه صارقار که سن تورکک کندیسنی نصل بر مخاطرده
القا ایلدیکنه و بر قاچ دفعه بو کی محلدردن آشمش و کچمش ایسه ناصل صاغ
قالدیغنه تعجب ایدرسک ، حالبوکه تورکک دایما بویه در ...!

خارجی ناس نظرنده « ایستره یتشیر و ایستیرسه فوت ایدیلیر » دییه
معروفدر . تورکک فوت ایدلمکه محتاج دکلدرد ؛ چونکه ایستلمز که ... اصلا
امید ایدیلین کیسه بی ایسته مک کیمک عقلنه گلیر .

خارجیلرک مقاتله و محاربه بی دین بیلملردن طولای شدت و شجاعت ایله
موصوف اولدقلرینی ایلرو سورمک طوغری دکلدرد . چونکه خارجیلردن
سجستانی ، حزری ، منی ، مغربی ، عمانی ، ازرقی ناصل محارب بولیورسه ق
نجدی ، اباضی ، صفدلی ، کوله ، عربی ، عجمی ، اعرابی ، قول ، قادین ،
چولخا ، چفتچی اولسون و آیری آیری صوی و شهرلردن اولسون بالجه ارباب
دینده محارب و مقاتل بولیورز که بونلرک جمله سنه بو خصوصده اجرای تاثیر
ایدن دیندر . و آره لرندن برینه دینک دیکرندن فضله تاثیر یوقدر . نته کیم
دنیا ده کی حجامتجیلر هر هانکی جنس و بلده دن اولورسه اولسون مشروباته
دوشکوندردلر . و نته کیم هر یرده کی مختلف اجناس بشریه یه منسوب اُسکی
پینی پیرتی صاتانلر ، بالقجیلر ، اُسیرجیلر ، چولخالر کافه معاملات و مبیعاتلرنده
بتون انسانلرک اُک شیر یریدرلر . یعنی مثاللردن آ کلاشیلیر که هر دین و صنعت
بر تاثیر یو بو تاثیر ایله تشکی و تعین ایدن او دین و اوصنت اربابنک بر صفت
فارق و تمیزه سی واردر که کندیلری اوصفتله موصوف و معروفدرلر .

تورکک کندی یرلرنده دایما حال حربده درلر . بو حرب دایمی دین
و مذهب ایچون اولمایوب حریت ، استقلال و غنیمت ایچوندرد . تورکک حریت
واراده سنی کیسه یه ویرمز ، قاچه جق اولورسه وعید و تهدیده اهمیت ویرمز ،
آله کچه جک ده اولورسه کیسه دن بر وعد امیدنده بولماز .
ایشته کندی یرلرنده و یوردلرنده بو یولده حیاتکذار اولورلر . تورکک

دائماً ايستەيندر، اصلاً ايستيلن اولماز . بويە غنيمت مالى ايله كچينلر دائماً آز
بر شى تداركيله اکتفا ايدوب بىل مجهوده محتاج دکلدرلر . بىناء عليه هيچ
بر اهميتلى شئيە مالک بولمىدقلرنىلر کندیلرينه طمع ايدەجک بولمىز . ايمدى
خلقة عسکر اولان وبو صفات عسکريەه طبعاً مالک بولان تورکارک مثلاً
ملکلتارينه تعرض و غضب و تدین و سائر علل و اسباب حربيه تحتده ناصل
محاربه ايدەجکلرى جداً دوشنلمکە لايق بر کيفيتدر .

خارجيلرک قارغيلرى اوزون و ايچى بوشدرکە بولر هم قولای طاشينير
وهم چوق تأثير ايلر . اوزون قارغيلر عجلرده پيادهلرده بولورکە خندق
قولرى و طار يول آغزلرنده بولان بنويلر دخى بونى استعمال ايدلر . بنويلر
بو خصوصده نه تورک و نه خراسانلى به چيقشامازلر . چونکە قارغى سوارى
ألدە ايشه يارار، بنويلر ايشه ابواب خنادق و مضايقه مطاعنه ايدرلر .

سوارى اولانلر تورکار و خراسانلىلر درکە سواريلک و قارغيجيلق کندیلرينه
مخصوصدر . سوارى ايسترسه پياده يى دورر و بوکر و ايسترسه طارمه طاغنيق
ايلر . بوصو، پيشدار و کشف قوللرينى بولر اک مهم بهادرلردن تشکيل
ايدرلر . بولرک ئونلى و شانلى کونلرى و بيوک محاربه و بيوک فتحلرى واردر .

پيتمدى

عاصم شرف الدين



حاجت

آتايلره دوغرو

(باشى ۱ نجى بيلاک ۱۲ نجى صايسنده)

هيچده اونوده مه يورم : بو قيمز مجلسبندن صوکر امام افندى کوچوک
اوغلنک قازاچقه بر طنبور چاله جغنى سويلدى . قيمزدن صوکره بو پک ائى
دوشه جکدى . آنکچون هيمز جه ترويچ ايديلدى . چوجنک ملکلى پارمقلرى